



საგანმანათლებლო პროგრამების აკრედიტაციის
საბჭოს გადაწყვეტილება
ქ. თბილისი



MES 1 23 0000183027



16/02/2023

შპს ქართულ - ამერიკული უნივერსიტეტის „ისტორიის“ საბაკალავრო საგანმანათლებლო პროგრამისთვის აკრედიტაციის მინიჭების თაობაზე

1. გადაწყვეტილების მიღების სამართლებრივი საფუძვლები

1.1. „უმაღლესი განათლების შესახებ“ საქართველოს კანონის 66-ე მუხლის პირველი პუნქტის, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტისა და საქართველოს განათლებისა და მეცნიერების მინისტრის 2011 წლის 4 მაისის №65/ნ ბრძანებით დამტკიცებული „უმაღლესი საგანმანათლებლო დაწესებულებების საგანმანათლებლო პროგრამების აკრედიტაციის დებულებისა და საფასურის დამტკიცების შესახებ“ (შემდგომში - აკრედიტაციის დებულების) 27² მუხლის პირველი პუნქტის მიხედვით, საგანმანათლებლო პროგრამების აკრედიტაციის საბჭო (შემდგომში - საბჭო) სააკრედიტაციო დოკუმენტაციის, აკრედიტაციის ექსპერტთა ჯგუფის დასკვნის, დაწესებულების მიერ აკრედიტაციის ექსპერტთა ჯგუფის დასკვნის პროექტზე წარმოდგენილი არგუმენტირებული პოზიციის შესწავლისა და ზეპირი მოსმენის გამართვის საფუძველზე იღებს გადაწყვეტილებას საგანმანათლებლო დაწესებულების საგანმანათლებლო პროგრამების აკრედიტაციის თაობაზე. აკრედიტაციის დებულების 27⁵ მუხლის მე-5 პუნქტის თანახმად, საბჭო ვალდებულია დაასაბუთოს მის მიერ მიღებული გადაწყვეტილება.

1.2. „განათლების ხარისხის განვითარების შესახებ“ საქართველოს კანონის 22-ე მუხლის მე-2 პუნქტის „ა“ ქვეპუნქტისა და აკრედიტაციის დებულების 27⁵ მუხლის პირველი პუნქტის „ა“ ქვეპუნქტის შესაბამისად, საბჭო იღებს გადაწყვეტილებას საგანმანათლებლო პროგრამისთვის აკრედიტაციის მინიჭების შესახებ.

1.3. „აკრედიტაციის დებულების“ 27 -ე მუხლის მე-3 პუნქტის შესაბამისად, აკრედიტაციის მინიჭების შესახებ გადაწყვეტილების მიღების შემთხვევაში, საბჭო უფლებამოსილია აკრედიტაციის მაძიებელს მისცეს რეკომენდაციები.

1.4. აკრედიტაციის დებულების 27-ე მუხლის მე-7 პუნქტის შესაბამისად, საბჭო უფლებამოსილია, დასაბუთებული არგუმენტაციის შემთხვევაში, განსაზღვროს გადაწყვეტილებების ძალაში შესვლის თარიღი.

2. აღწერილობითი ნაწილი და დასაბუთება

2.1. სსიპ - განათლების ხარისხის განვითარების ეროვნულ ცენტრში (შემდგომში - ცენტრი) 2022 წლის 26 აგვისტოს წარმოდგენილ იქნა შპს ქართულ-ამერიკული უნივერსიტეტის №195 სააკრედიტაციო განაცხადი (ცენტრში რეგისტრაციის - №952797) "ისტორიის" საბაკალავრო საგანმანათლებლო პროგრამის თაობაზე.

2.2. ცენტრის დირექტორის 2022 წლის 28 სექტემბრის №1174547 ბრძანების საფუძველზე, შპს ქართულ - ამერიკული უნივერსიტეტი ცნობილ იქნა აკრედიტაციის მაძიებლად. ცენტრის დირექტორის 2022 წლის 11 ნოემბრის №1488664 ბრძანებით შეიქმნა ექსპერტთა ჯგუფი, რომელმაც საგანმანათლებლო პროგრამა შეაფასა 2022 წლის 30 ნოემბერს.

ექსპერტთა მიერ წარმოდგენილი დასკვნის მიხედვით აკრედიტაციის სტანდარტებთან მიმართებით პროგრამა შეფასდა შემდეგნაირად:

სტანდარტები	შესაბამისობაშია მოთხოვნებთან	მეტწილად შესაბამისობაშია მოთხოვნებთან	ნაწილობრივ შესაბამისობაშია მოთხოვნებთან	არ არის შესაბამისობაში მოთხოვნებთან
1. საგანმანათლებლო პროგრამის მიზანი, სწავლის შედეგები და მათთან პროგრამის შესაბამისობა		x		
2. სწავლების მეთოდოლოგია და ორგანიზება, პროგრამის ათვისების შეფასების ადეკვატურობა	x			
3. სტუდენტთა მიღწევები, მათთან ინდივიდუალური მუშაობა	x			
4. სწავლების რესურსებით უზრუნველყოფა	x			
5. სწავლების ხარისხის განვითარების შესაძლებლობები	x			

2.3. საბჭომ შეისწავლა საგანმანათლებლო პროგრამების აკრედიტაციასთან დაკავშირებული დოკუმენტაცია, კერძოდ, თვითშეფასების ანგარიშსა და მასზე თანდართულ დოკუმენტაციაში ასახული ინფორმაცია, ექსპერტთა ჯგუფის დასკვნა, ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიცია.

2.4. ზეპირი მოსმენა გაიმართა **2023 წლის 14 თებერვალს**. სააკრედიტაციო განაცხადის, აკრედიტაციის ექსპერტთა ჯგუფის დასკვნისა და ექსპერტთა ჯგუფის დასკვნის პროექტზე აკრედიტაციის მაძიებლის მიერ ცენტრისთვის წარმოდგენილი არგუმენტირებული პოზიციის, ასევე სხდომაზე დაინტერესებული მხარეების ზეპირი პოზიციის მოსმენის საფუძველზე, საბჭომ გაიზიარა ექსპერტთა დასკვნაში ასახული აკრედიტაციის სტანდარტების საერთო შეფასება.

3. სარეზოლუციონაწილი

„უმაღლესი განათლების შესახებ“ საქართველოს კანონის 66-ე მუხლის პირველი პუნქტის, მე-2 პუნქტის „ა“ ქვეპუნქტისა, მე-3 და მე-4 პუნქტების, „განათლების ხარისხის განვითარების შესახებ“ საქართველოს კანონის 22-ე მუხლის პირველი პუნქტის, მე-2 პუნქტის „ა“ ქვეპუნქტის, მე-3 და მე-8 პუნქტების, აკრედიტაციის დებულების 27² მუხლის პირველი პუნქტის, 27⁵ მუხლის პირველი პუნქტის „ა“ ქვეპუნქტისა და მე-5 პუნქტის, 27⁶ მუხლის პირველი პუნქტის „ა“ ქვეპუნქტის, „საჯარო სამართლის იურიდიული პირის - განათლების ხარისხის განვითარების ეროვნული ცენტრის საქმისწარმოების წესისა და შინაგანაწესის დამტკიცების შესახებ“ სსიპ - განათლების ხარისხის განვითარების ეროვნული ცენტრის დირექტორის 2011 წლის 01 ივნისის № 223 ბრძანების მე-8 მუხლისა და საქართველოს ზოგადი ადმინისტრაციული კოდექსის 53-ე მუხლის შესაბამისად, აკრედიტაციის საბჭომ, კენჭისყრის შედეგად 12 ხმით არცერთის წინააღმდეგ,

გადაწყვიტა:

1. დაკმაყოფილდეს შპს ქართულ - ამერიკული უნივერსიტეტის მიერ წარმოდგენილი სააკრედიტაციო განაცხადი და დანართი №1-ით გათვალისწინებულ „ისტორიის“ საბაკალავრო საგანმანათლებლო პროგრამას მიენიჭოს აკრედიტაცია 7 წლის ვადით 1 წელიწადში რეკომენდაციების შესრულების თაობაზე ანგარიშის წარმოდგენით.
2. ცნობილ იქნას აკრედიტაციის ექსპერტთა ჯგუფის დასკვნა „ისტორიის“ საბაკალავრო საგანმანათლებლო პროგრამის შესახებ ამ გადაწყვეტილების განუყოფელ ნაწილად (დანართი N2).
3. ცნობილ იქნას აკრედიტაციის საბჭოს 2023 წლის 16 თებერვლის სხდომის №182950 ოქმის №04 ნაწილი ამ გადაწყვეტილების განუყოფელ ნაწილად (დანართი №3).
4. დაწესებულებას შესასრულებლად განესაზღვრა შემდეგი რეკომენდაციები/რჩევები:

რეკომენდაციები:

4.1. რეკომენდებულია, გადაიხედოს პროგრამის კურიკულუმის რუკა და გასწორდეს მასში არსებული შინაარსობრივი შეუსაბამობები;

4.2. რეკომენდებულია, სასწავლო კურსის სილაბუსებში გასწორდეს სავალდებულო ლიტერატურასთან დაკავშირებული ხარვეზები, სახელდობრ:

- გადამოწმდეს ბიბლიოთეკაში შესაბამისი სავალდებულო ლიტერატურის არსებობის საკითხი;
- შემცირდეს ზოგიერთ სილაბუსში სავალდებულო სასწავლო ლიტერატურის რაოდენობის ჩამონათვალი;
- მიეთითოს სავალდებულო ლიტერატურაში სილაბუსის შინაარსში შეტანილი საკითხავი მასალა;

4.3. რეკომენდებულია, გაიზარდოს რეცენზენტის ქულობრივი წილი საბაკალავრო ნაშრომის შეფასებაში, ხოლო ხელმძღვანელის წილი დაყვანილი იქნას მინიმუმამდე ან გაუქმდეს;

4.4. რეკომენდებულია, პროგრამის სწავლის შედეგების შეფასების მიზნით შემუშავებულ კურიკულუმის რუკაში და მისგან გამომდინარე სწავლის შედეგების შეფასების მექანიზმში არსებული შინაარსობრივი უზუსტობებისა და შეუსაბამობების გასწორების მიზნით, ხარისხის უზრუნველყოფის სამსახურის მიერ განხორციელდეს სამუშაო შეხვედრები პროგრამის ხელმძღვანელთან ისევე, როგორც შედეგებზე გამსვლელი სავალდებულო სასწავლო კურსების განმახორციელებლებთან.

რჩევები:

1. სასურველია, პროგრამის ინტერნაციონალიზაციის კომპონენტის გაძლიერების მიზნით უნივერსიტეტმა და პროგრამის აკადემიურმა გუნდმა გააქტიუროს მუშაობა;
2. სასურველია, დამხმარე ისტორიული დისციპლინებით არჩევითი სასწავლო კურსების გამრავალფეროვნება;
3. სასურველია, პროგრამის სასწავლო კურსებში გადაიხედოს კრედიტების განაწილება და დაზუსტდეს სასწავლო მასალის სირთულის, რაოდენობის და სტუდენტის დატვირთვის შესაბამისად;
4. სასურველია, საკითხავი მასალის (რიდერების) შემუშავების და დამტკიცების პროცესში ჩაერთოს უნივერსიტეტის სამეცნიერო საზოგადოება, რათა უზრუნველყოფილი იქნას საკითხავი მასალის გამართულობა და რელევანტურობა;
5. სასურველია, სასწავლო კურსების სწავლის შედეგების ფორმულირებებში გასწორდეს დაშვებული ტექნიკური ხარვეზები;
6. სასურველია, პროგრამაზე მიღების წინაპირობებში მითითოს ჩარიცხვის პირობები საქართველოს და უცხო ქვეყნის მოქალაქეებისთვის როგორც ადგილობრივი, ასევე უცხო ქვეყნის უმაღლესი სასწავლებლებიდან მობილობის და გადმოყვანის წესით;
7. სასურველია, პრაქტიკის სილაბუსი წარმოდგენილი იყოს ცალკეული კომპონენტის (სამუზეუმო, არქეოლოგიური, ეთნოგრაფიული, სასწავლო) მიხედვით;
8. სასურველია, პროგრამის სწავლა-სწავლების მეთოდების ჩამონათვალიდან დაწესებულებამ ამოიღოს დისტანციური სწავლების მეთოდი;
9. სასურველია, სტუდენტური პროექტებისთვის საგრანტო კონკურსის მექანიზმის დანერგვა, რათა სტუდენტებმა თავად დაგეგმონ და განახორციელონ მცირე პროექტები;
10. სასურველია, ისტორიის პროგრამის სტუდენტების წახალისება/ხელშეწყობა გაცვლით პროგრამებსა და პროექტებში მონაწილეობისთვის, როგორც ადგილობრივ ისე საერთაშორისო დონეზე;
11. სასურველია, ისტორიის პროგრამის სტუდენტების სამეცნიერო-კვლევითი აქტივობების წახალისება და პოპულარიზაცია;
12. სასურველია, შეფასების გასაჩივრების მექანიზმის შემთხვევაში, კომისიის შემადგენლობიდან შემფასებელი ლექტორის ამოღება;
13. სასურველია, ჩატარდეს დარგობრივ საკითხებზე, დარგობრივ ცოდნას, უნარებსა და კომპეტენციებზე ორიენტირებული შრომის ბაზრის კვლევა, რაც პროგრამის გუნდს დაეხმარება დარგში არსებული თანამედროვე ტენდენციების იდენტიფიცირებასა და დამსაქმებლების საჭიროებების დადგენაში;
14. სასურველია, პროგრამის ხელმძღვანელი აქტიურად მონაწილეობდეს პროგრამის მონიტორინგის და პერიოდული შეფასების პროცესის თითოეული ეტაპის დაგეგმვის, განხორციელებისა და მიღებული შედეგების გაანალიზების პროცესში;

15. სასურველია, პროგრამის ხელმძღვანელი, აკადემიური და მოწვეული პერსონალი მეტად აქტიურად ჩაერთონ პროგრამის სწავლის შედეგების შეფასების მექანიზმის დაგეგმვის პროცესში.

5. საბჭოს აღნიშნული გადაწყვეტილება ძალაში შევიდეს **2023 წლის 14 თებერვალს**.

6. რეკომენდაციების შესრულების თაობაზე ანგარიშის წარმოდგენის ვადად განისაზღვროს 1 წელი - 2024 წლის 14 თებერვალი.

7. საბჭოს მიერ მიღებული გადაწყვეტილება, საქართველოს ზოგადი ადმინისტრაციული კოდექსის 180-ე მუხლის პირველი ნაწილისა და „განათლების ხარისხის განვითარების შესახებ“ საქართველოს კანონის 24 მუხლის პირველი პუნქტის შესაბამისად, საგანმანათლებლო დაწესებულების მიერ შეიძლება გასაჩივრდეს სააპელაციო საჩივრის სააპელაციო საბჭოში წარდგენის გზით შემდეგ მისამართზე: ქ.თბილისი, მ. ალექსიძის II შესახვევი №2, ან თბილისის საქალაქო სასამართლოს ადმინისტრაციულ საქმეთა კოლეგიაში სარჩელის შეტანის გზით შემდეგ მისამართზე: ქ. თბილისი, დავით აღმაშენებლის ხეივანი №64, აღნიშნული გადაწყვეტილებისა და მისი დასაბუთებითი ნაწილების (დანართი №1, დანართი №2, დანართი №3) ცენტრის ვებ-გვერდზე (www.eqe.ge) გამოქვეყნების დღიდან, ერთი თვის ვადაში.

საგანმანათლებლო პროგრამების აკრედიტაციის

საბჭო

საბჭოს თავმჯდომარე

ბუჩაშვილი გოდერძი




საგანმანათლებლო პროგრამების

აკრედიტაციის საბჭო

საბჭოს მდივანი

ტეფნაძე დავით



№	ინფორმაცია საგანმანათლებლო პროგრამის შესახებ	
1	საგანმანათლებლო პროგრამის დასახელება	ისტორია
2	ერთობლივი უმაღლესი საგანმანათლებლო პროგრამა	-
3	სტატუსი	აკრედიტებული
4	სტატუსის გათვალისწინებით, საბჭო(ებ)ს გადაწყვეტილების თარიღი და ნომერი	№777, 11.12.2012
5	ხელახალი აკრედიტაციის შემთხვევაში საგანმანათლებლო პროგრამის წინა დასახელება	ისტორია
6	უმაღლესი განათლების საფეხური	ბაკალავრიატი
7	დაშვების წინაპირობები	-
8	კვალიფიკაციის დონე	მე - 6
9	კვალიფიკაციის დასახელება	ისტორიის ბაკალავრი
10	ზოგადი განათლების შესაბამისი საფეხურის საგნის/საგნების/საგნობრივი ჯგუფის სწავლების უფლების მითითებით	-
11	დეტალური სფეროს დასახელება და კოდი (ISCED – F – 2013)	0222 ისტორია და არქეოლოგია
12	სწავლების ენა	ქართული
13	ECTS კრედიტების ჯამური რაოდენობა	240
14	განხორციელების ადგილი	საქართველო, 0160, თბილისი, მერაბ ალექსიძის N10
15	მსჯავრდებულ აბიტურიენტთა საგანმანათლებლო პროგრამაზე სწავლა - სწავლების უფლებამოსილება	-
16	ამ გადაწყვეტილების ძალაში შესვლის თარიღი	2023 წლის 14 თებერვალი

17	აკრედიტაციის საბჭოს მიერ გაცემული რეკომენდაციების შესრულების თაობაზე ანგარიშის წარმოსადგენად/მონიტორინგის განსახორციელებლად განსაზღვრული ვადა	1 წელი - 2024 წლის 14 თებერვალი
18	აკრედიტაციის ვადის გასვლის თარიღი	2030 წლის 14 თებერვალი